



Inatsisartunut ilaasortaq Agathe Fontain
Inatsisartut
/MAANI

§ 37 naapertorlugu apeqqummut nr. 2014-181-imut akissut, assagiarsunnut tunisassiorfimmut tunngasoq

16-09-2014
Sags nr. 2014-103644
Dok. nr. 1693185

Inatsisartut Suleriaasianni § 37, imm. 1 naapertorlugu, Naalakkersuisunut apeqqute-qarsimavutit, Sisimiuni assagiarsunnut tunisassiorfik pillugu. Apeqqut uannut akisas-sanngorlugu innersuussutigineqarpoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1:
Qeqqata kommuniani upernaq isumasioqatigiinnermi Royal Greenland A/S neriorsuteqarpoq, ukiaq manna september 2014-imi assagiarsuit Sisimiuni tunisaaqqilissasut. Royal Greenland-ip neriorsutini tamanna qaqugu eqqortinniarpa?

Akissut:

1-imut)

Royal Greenland A/S-ip naatsorsuutigivaa tunisassiorfiup tamakkiisumik tunitsivittut April-ip aallaqqaataani 2015 ammarneqassasoq. Royal Greenland A/S-ip ukioq manna pisassiissutit sinneqarnerannik tunngavissaqarpat sulissutigivaa tunisassiorfiup ukioq manna aallartisaalluni piareersinnaanissaa.

Ilisimatitsissutigineqassaaq Sisimiut eqqaani assagiarsunnut pisassiissutit pisarineqarsimalemata. Tamanna tunngavigalugu pisassiissutit amerlineqarnissaanut piujuaannartitsinissamik tunngavissaqarnerasoq misissuititsivunga. Piujuaannartitsinissamik tunngavissaqassappat, Royal Greenland A/S-ip piffissami aallartisaalluni ingerlatsinerani tunisisoqarsinnaanissaanik periarfisseerusuppoq.

Inussiarnersumik inuulluaqqusillunga


Finn Karlsen